

澄城縣志卷十四

人物二

國朝

杜房字繼所前日照縣知縣一岸孫順治乙酉 恩貢生歷任隴西縣訓導靖遠衛教授陞湖廣安陸衛經歷恭謹恬雅所至皆德之年老乞歸遇人吉凶事量力補助屢延鄉飲大賓

白意字獻赤號念蓼前大同通判鳳會孫順治戊子舉人山西安邑縣知縣值歲饑民多流亡意捐俸安集之開懇草萊增置里甲安邑民取詩人思召之義編里曰白棠陞廣西永甯州知州安邑民攀轅遮道號哭知不可畱肖像立生祠香

澄城縣志

卷十四 人物二

一

火不絕後祀名宦由永甯行取禮部主事康熙己酉典試四川號得人漕帥張文端公鵬翮出其門轉吏部稽勲司員外郎署郎中著有豫州記事性鑑辨疑諸書子三王綸康熙壬子拔貢寶雞郿府谷三縣教諭博極羣書爲邑文獻與李雪木柏相友善著有瞽吟詩集王綽王經俱諸生王綽好鈔書各大全講義手錄五部王綸子五振恭鈇俱諸生王綽子二恪歲貢渭源華亭二縣訓導恬諸生王經子愷三歲失怙康熙辛未廩貢固原州訓導事母党以孝稱嘗於父遺書中得紙藁有云學必探源事必窮理勤謹敬慎不使人目爲膏粱子凡二十字愷裝潢成幅常置案頭振子四豈凡增生鴻友字序賓號烟渚爲其從父愷嗣乾隆辛酉舉人吳堡縣教諭

期年而歸衣不蔽體閉戶讀書晏如也訓子弟以退讓爲法及卒鄉人無論賢愚皆歎爲君子超凡廩生丕烈諸生爲其舅氏孫桂嗣恭子星源廩生星河諸生恪子二本潔字雪堂雍正壬子歲貢有涵字虛舟乾隆癸酉歲貢先後俱安化縣訓導里人所稱父子三廣文兄弟一安化也有涵植品績學制藝多短篇乾隆丁卯闈中已擬元矣二場以疾未試主司房考俱扼腕罷官後家益貧白水縣知縣王畊伯希伊式廬致敬索藏稿三冊加評撰序壽八十餘猶授徒資館穀書法逸古獲者珍若拱璧愷子鴻儀字季可號漸菴幼失怙從伯兄鴻友學乾隆己亥舉人館於朝邑象底村張氏從學者數十人蒲城相國王文恪公鼎時爲諸生以經師事之超凡子

澄城縣志

卷十四 人物二

二

健嗣字矯亭號息園嘉慶辛酉解元刻苦力學無師而成未冠卽訓蒙高潔自喜几無纖塵恒徹夜不眠篝燈如豆晝未嘗假寐爲文清剛道上試輒冠其曹四十後始發解後館大荔七里村門人遭盜劫遂不出里間來學者益衆家塾不能容就教職未仕而卒丕烈子化年字聖期嘉慶甲子 恩賜副榜化僚監生星源子若璞恬孫漢章本潔子璵璿俱增生有涵子驥廩生鴻儀子貞夢璿子慶望化僚子懋璵孫鵬飛俱諸生

姚肅規字欽山業善里順治丁酉舉人祖嘉第明諸生父舜相肅規耿介不阿克自樹立官廣東順德縣知縣敏於聽斷減糧耗革陋規勤考課士民向化邑近海盜夙負險肆掠肅

規至偵治其渠魁餘黨解散嚴保甲以絕其萌境獲安堵爲
碑頌之卒於官子許擊許飛俱監生許飛篤於孝義自父任
侍疾歸葬致哀盡禮應選知縣辭不仕康熙辛丑捐麥施賑
許封歲貢生許擊子雲會歲貢生隴州訓導許飛子璣歲貢
生瑞諸生許封子瑾監生考授主簿雲會子闇雍正乙卯拔
貢生璣子聯三號東槐嘉慶戊午歲貢生工書法壽九十七
鄂俊諸生瑾子性字善齋增生能文亦善書不苟爲言笑闇
子雄增生維惟俱監生聯三子賡颺字伯言通醫工刀篆性
子廷儀字振九號竹溪七歲喪父哀毀如成人乾隆壬辰縣
試第一與弟舞麟同補諸生以筆耕養母丁酉膺選拔入都
無資母盡鬻簪珥僅得六七金獨策蹇馬就道至京師充四

澄城縣志

卷十四

人物二

三

庫館校錄癸卯中順天鄉試舉人甲辰以館書議敘知縣乙
巳署直隸東明縣會歲大旱無麥禾廷儀具狀請賑先榜通
衢諭富民毋閉糶親行鄉里平價直旋奉

旨發粟二萬石銀三萬兩以賑饑廷儀精心察核厯四百七
十八村除能自食者不賑實得大小口十五萬九千七百七
十計餘銀米若干廷儀於二冊內增入三萬口盡其所餘而
止丙午補西寧縣丁未秋雨雹害穀經營賑恤一如東明不
減民戶口溢額發倉粟三千餘石事竣聞於郡郡守弗之許
令賠補焉戊申兼攝懷安縣事遭母喪奉柩歸葬服闋補無
極縣辛亥夏不雨禾盡稿或言邑北漢王泉祈禱時有應卽
齋沐烈日步出三十里酣霖布四野王子調宣化縣無極民

遮道乞留有泣下者復相率詣臺省陳請大官憐其識飭回無極任衆皆悅踰年始至宣化陞景州知州甲寅秋大雨霖河決鄭家口廷儀方率人徒完隄防工未竣水大至訇轟如雷霆沒城垣幾一雉四圍瀾漫數十里循問各鄉被災狀傾塌土房三百餘間地窪下無邱阜人多攀大樹以居旣請賑慮緩不濟急使人乘船載蒸餅分行村落逐日散給又設甌竈於城內給糞粥男女就食者萬餘人俄而賑米至驗升斗杜侵漁一一詳慎無遺憾民賴以蘇時宿潦猶數尺景州當孔道恐妨驛遞礙行旅因以東郭十里外作連橋十二蜿蜒二十里行者稱便旋從北郭至漫河起高堰五六尺下填樹枝土實沙土引水注於兩旁而大道始出民田之淪沒者數

澄城縣志

卷十四

人物二

四

萬頃欲疏積潦北流入於千頃窪千頃窪屬阜城廷儀見制府陳便利之說遂開渠以導之水去者十之七又順勢引流入交河復多爲田畝以散之境內之田始畢現制府聞于朝

天子嘉賚焉嘉慶丙辰調攝開州篆八閱月復本任戊午四月卒於景州年僅四十有八廷儀在官廉儉不以貧窶易其操食不過蔬一棹多則令皮置之然切於周急典衣相助勿恤也斷獄不任刑威而事無不理民愛之如慈母不蓄珍玩而獨喜撫帖工爲行楷書所過郡縣雖殘碑斷碣必剜剔苔蘚搨取數紙賞玩不釋手身沒之後箱篋無長物圖書百餘卷而已嘗自撰宗譜倣歐陽氏小宗之制五世別爲一圖而

闕疑謹審參取老泉譜例自序於前識者以爲有古宗法遺
意舞麟字仲符號南圃乾隆甲寅舉人計偕過景州值被水
成災例賑不敷延儀稟大吏開倉庫竭力賑濟共用銀四萬
九千餘兩未及入奏而大吏卒此項例不准報銷舞麟憂鬱
成疾後延儀二年卒士林惜之雄子城工繪事雒子書紳字
佩卿諸生賡颺子墀字子丹廩生延儀子堃字子方號廉山
乾隆己酉拔貢

朝考覆試皆第一引

見以教職用借補甘肅成縣訓導學署傾圮住書院課生徒
邑中士翕然從之督學周廉堂按試階州甚器之王子舉于
鄉癸丑禮闈薦不售棄官留京師嘉慶丁巳始歸次年聞父

澄城縣志

卷十四

人物二

五

病屋夜馳視比至而父已卒哀毀幾不能生以廝空未完羈
畱景州奉母寄居草屋數椽高可打頭典質一空勉供甘旨
己未冬

奏明家產盡絕庚申送母扶父柩歸葬辛酉成進士

朝考入選引

見授翰林院庶吉士補

國史館協修王戊散館改兵部主事以父景州任內虧項
奏明扣抵廉俸每年食半俸之半丁卯援資斧例旋里癸酉
春補車駕司主事八月以員外郎擬陪引

見於熱河行在至昌平州之蘭家溝遭盜劫堂官據情入
奏

上震怒飭令順天府嚴行捕緝獲其賊首梟示冬十月陞職方司員外郎兼馬館監督甲戌陞郎中

記名御史乙亥補江南道監察御史丁丑充會試外監試官轉掌貴州道監察御史奉

命巡視北城稽察太平倉署吏科給事中戊寅因事望誤奉旨降一級調用遺書論諸弟曰吾承先人教叨登科第擢任言官忘其狂瞽封章十餘

上咸蒙

俞允

聖恩高厚尙思竭駑駘以効涓埃之報己卯具呈吏部請捐復郎中格於吏議不果庚辰赴河南道光辛巳還京壬午旋

澄城縣志

卷十四 人物二

六

里省母居十日以弟堅奉委關中書院監院將赴甘省驗看亟思一見遂迂道三原六月二十三日抵西安間五日染時疫卽危篤七月初二日卒年五十七生平無他好惟一日不能離書卷自癸丑畱京至丁巳凡五年節鈔十三經注疏皆成帙細書工楷朱墨精謹嘗曰昔歐陽文忠欲刪去箋註之雜以讖緯者而不果其意可師也漢儒解經皆有專門師授不以讖緯而病唐宋以後偏重義理二者必交相資此鈔竊取文忠之意撮其精華所節錄亦煞費苦心厯官二十餘年交遊徧天下性平易不設城府初相晤落落若難合久之則洞見肺腑或恨相知晚公事之暇風雨一編怡然自得塵甑無火不以介懷鐫級後年逾五十篤好逾少壯每日五更盥

櫛秉燭丹黃非要事杜門不出所著有周官小知錄關中風俗考子史雜識咫聞錄茅屋瑣碎錄隸釋補正詩賦雜文若干卷悉出手鈔城固陳玉珊海霖攜交河帥膚施張芥航井尚未付梓錢塘陳荔峯侍郎嵩慶撰墓志江甯鄧嶰筠制軍廷楨以駢語爲神道碑俱載藝文堅字子固廩貢生洋縣訓導吳堡縣教諭署西安府訓導秦州學正榆林府教授關中書院監院均字子平諸生舞麟子增字子益號餘山嘉慶丙子副榜道光乙酉舉人又六年卒年四十一城子安之莖子敬之增貢生湖北江夏縣縣丞署沔陽州州判義之諸生堅子寶旭增生長吉諸生安之子勉餘號筠廬嘉慶丙子副榜工詩古文辭早卒敬之子紹會道光丁酉拔貢郿縣教諭鴻

澄城縣志

卷十四

人物二

七

翰義之子紹崇俱諸生

惠鳳儀字來之潤東里高槐村人少罹寇變


國朝兵西下挈入京道邁疾棄去大原張公見而異之撫爲己子順治初張爲戶部外郎鳳儀亦錄爲其部筆帖式在部數載以敏練稱凡要會版奏以及方域之硯隘饒博阨塞羸絀之數靡不綜練

章皇帝親試稱旨授國史院編修遷內宏文院侍講內國史院侍講學士康熙元年從將軍圖公殲楚寇有功還拜文華殿學士兼禮部侍郎充

世祖實錄副總裁遂以右副都御史巡撫山東爲政識大體以拊循爲亟約己利物詰奸佑良諸所舉核羣屬殿最悉當

丁張艱去官吏民千餘人赴闕上書請留鳳儀不可急歸未
久卒鳳儀性慷慨好談當世略吐納宏亮遇寮友侃侃指陳
卽在
上前奏事時碎然大言以故在廷皆嚴憚幼罹變忘其縣名
兼張終無子故卒不復本宗生子五次承哲爲澄城知縣至
任後始悉其家世云

張秉直徵信錄曰惠公之卒徐健菴狀行葉訥菴撰墓志
銘二公之言必非謬妄公族姓子孫無知學者紳衿亦無
人呈舉遂終泯沒韓子云莫爲之後雖盛不傳不其信乎
丁運開壯頭村順治己亥歲貢生莊浪訓導父際盛明諸生
運開性孝友二歲失恃不數載父又亡家貧善事祖母奉養
豐潔當混天星破城時運開負祖母藏山谷妻子皆弗顧祖
母得心疾運開爲入山求法水雖虎狼弗畏祖母飲之疾愈
視異母弟無間言知縣姚欽明上其事請

旌運開  拱斗增生拱奎諸生拱斗子子儀拱奎子子宜
俱諸生子儀子世昌廩生

党見龍字在田交道鎮諸生幼遊韓有懷米輔之二先生之
門後又攜所業就正于路世美世美器重之畱與其子一麟
共研席見龍性鯁直卽在長吏前侃侃抗論不少阿然于家
廷則肅雝和諧有孝友風焉

杜長青字松年居縣東關先名汝拭爲諸生有文名並習畫
以病失試開除知縣吳定愛其才更今名順治庚子科武舉

韓紹武字克廣曾祖春陽祖遇父一偉字之器明諸生流寇蹂躪鄉村合家逃散一偉被縶不屈杖瀕死猶不釋紹武年十四向寇哀請乞代遂繫馬頂奔走身遍被傷幾不能生囚朝邑獄我

朝定鼎寇平得還一偉已以驚悸卒紹武哀痛終喪始爲諸生後享年八十子敬承字賢之敬承子嗣禧字受祉一字師晦俱諸生嗣禧好義樂施族之貧苦賴以活者甚夥常爲人排難解紛鄉里咸稱長者子孫皆成名人以爲好義之報嗣禧子曰魯字得之曰愚字望回續學未售善教小學循循不倦倦曰魯子念祖字孟修號若谷乾隆庚戌恩貢少失怙叔父曰愚督課甚嚴年十四以默寫十三經入學試輒優等越

澄城縣志

卷十四 人物二

九

二十年始食餼天資明敏強記博聞家無多書與友人贖金販書按單取閱閱畢仍返諸肆目力短視晚年猶能燈下作小楷細書授徒終身勤於訓課嘉慶丁巳卒年僅六十上元梅曾亮撰家傳見藝文著有學庸會腋下孟會腋若谷堂詩文集待梓所選引機甲乙集已刊行曰愚子繼祖字子善慰祖字少忻諸生繼祖子伯熊幼爲念祖後字命九號樞園嘉慶甲戌歲貢生幼聰穎讀書警悟試輒冠軍自奉儉朴絲粒不肯浮費布衣蔬食晏如也或有勸者曰一介寒儒不至凍餒足矣奢於用度縱人不我非曾不暴殄天物乎道光乙酉卒年六十四朝邑張乾伯佑撰墓志亦見藝文念祖子亞熊字介侯號少溪嘉慶癸酉拔貢道光辛巳舉人壬午進士歷

署山東臨邑沂水知縣補榮成調郟城河澤歷城升膠州知州加同知銜選貴州廣順州知州伯熊子汝梅監生議敘主簿慶餘諸生大東附貢生候補訓導委署隴州神木亞熊子瑞東附貢生山東嶧縣縣丞河南淇縣知縣

路一麟字麟趾一字振公號天石東光縣知縣世美仲子兄一麟字麟蠲號運公戶部贊畫一麟於順治辛丑以積廩應貢丁父艱服闋會停貢越六年始充康熙庚戌恩貢候銓同知好讀書善書畫六舉優行壬戌

詔起山林隱逸以母老不就學無所不窺手批口噍寢食都廢凡山川人物草木辨析精詳復繪其形狀人爭寶之所著有禹貢山川攷月令奇觚觸躐集五雅評林五車韻瑞補書

澄城縣志

卷十四 人物二

十

畫外史華山小志鴛湖草天石子集若干卷藏於家生平醇謹靜穆澹於名利有亡友嘗負金數百其弟以兄廳事償之一麟焚其券居城南山水間甘貧自怡以終其身弟一鰲字聯六號巨公順治甲午拔貢廣東番禺縣縣丞以清廉陞浙江桐鄉縣知縣民咸德之再從弟前路號淇園秦安教諭世龍子康熙己酉舉人考銓知縣一麟子二郊字子俊增生祁字子儀廩生一麟子四畿字子向號次公康熙丁卯歲貢平涼縣教諭亦以書畫著名句字子方號芳侯別號卯君廩生工詩京字子晉康熙丁丑恩貢邑字子升康熙庚辰歲貢一鰲字屏字子維郊子大觀畿子用成字介然自成字道菴俱諸生自成工鐫刻文房器具皆有銘辭無不精妙甸子

三大千字伯英號長公增生中千字仲華舉孝子小千字叔駿號萬程康熙丁酉歲貢博學善文性極廉介知縣文尚秀高其德就見弗獲後文調他縣偶道經寺前鎮寓館見圍屏係小千撰書愛玩不忍釋題詩云星隱少微已數年屏間今日遇佳篇踰垣走避風塵吏記得高人路小千時論兩賢之著有詩文集數卷邑子大任字士宏增生工書大受字可菴工畫屏子自南書兩喜兩俱諸生用成子來章字有慶讀書不喜齷齪六經外兼及諸子史見秦漢金石遺文卽典衣購之齷齪時已能屬文以恥逐時尙試輒少利家世寒素人有慰之者答曰不能三食乎則姑再食焉至不獲再食乎則姑爲窮處而一食焉於吾學究何損貧者便當求人耶所作騷

澄城縣志

卷十四

人物二

十一

誅諸體雅潔可觀分隸書亦異俗大千子焯字耀侯增生小千子可端字伯方大任子筆花喜雨子鸞音俱諸生來章子問信字覺庵貧益甚隋古成癖精賞鑑販鬻舊書爲餬口資遇目前罕見者必命子近溪遍閱一周或摘條鈔存始售諸人高曾數世著述皆什襲珍藏偶有殘缺輒命近溪鈔補疎族某欲購得借刻陷以多金終不與年八十卒近溪字勇侯亦安貧有祖父風

張秉直徵信錄曰天石公之學於蟲魚草木之類攷據精核雖郭璞注爾雅不是過也惜子姓貧窮不能刻其遺文恐終致散亡雖藏名山亦虛語耳奈之何哉

按徵信錄朝邑張翔如傳後論曰邑之良風善俗必有其

自韓城自薛閣部倡衆施銀以甃砌城劉巡撫繼之修橋砌路爾後續修橋梁者施置學田者荒年賑濟者凡有善事人各爭先雖舊刹荒祠不虞廢墜遂成美俗朝邑自貢生薛宗泗倡衆施銀重刻韓苑洛志樂爾後各爭刻書凡朝邑近諸名公著作悉皆刊布若上之人又有以賞勸之豈不俱成良俗也哉今蘿谷著述不少于振公安得好義君子捐資開雕無使鄰邑專美于前也

路一鶴字鳴九守備世光子諸生性敏好讀書順治六年與修縣志子旬孫大升大德俱諸生大德字天篤博涉羣籍意氣灑落論者以爲有黃叔度風工隸篆飛白諸書尤精繪事山川人物禽魚花草之類靡不神肖年八十餘卒大德子三

澄城縣志

卷十四

人物二

三

璋早卒妻党氏苦節撫孤居先字升奎諸生先登字雲峯號岸齋別號瀛洲乾隆癸卯舉人家學淵源涵養有素一字落紙人爭傳頌歲科試輒冠軍授徒終身己酉十二月卒年未五十居先子三典字書田號文山爲世父璋嗣乾隆癸卯舉人與季父先登同榜邑人榮之嘉慶丁巳選甘肅文縣教諭遭母喪未赴庚申服闋選階州學正丁卯調安西州學正癸酉陞榆林府教授歷署藍田南鄭西鄉永昌同官等縣訓導道光辛巳復補榆林府教授遇本班截取選福建平和縣知縣以年近八旬不願遠遊丙戌仍補榆林府教授丁亥解組歸田爲母党氏請

旌建坊党氏孀居六載典始生依母垂五十年色養備至筮

仕後西出玉門北抵榆塞艱險備嘗清苦無異於昔處之宴
如癸巳春無疾而卒壽八十六教諭武威張綺中儲文贈以
序訓廩生爲季父先登嗣有文名早卒無子誥諸生

張耀祖諸生能文章好惡不阿縣中所重子益振字家聲醇
樸嗜學少築書舍於西河雖極寒暑絃誦不輟著有西河錄
二卷益振子雲路性篤孝父母繼歿泣血終身衣縞素歲時
嘗痛哭墓旁至老不茹葷人有勸之食者曰父母旣沒吾何
忍焉遇鄉間行人有困乏者輒解囊以贈焉雲路子問明字
少英幼力學居恒重然諾礪廉隅事父母處昆弟以孝弟聞
見者禮重舉鄉飲賓問政字純一監生多讀書尤御家有法
五世同居指口幾百無間言訓諸子八人皆爲縣諸生知縣

澄城縣志

卷十四

人物二

三

何達善旌其門問明子元六字度如廩生性明敏讀書不尙
口耳一有所得服膺弗失試輒冠曹世居城市而市人多有
未識其面者人稱爲閉戶先生問政子廷麟字子祥諸生廷
麟子作肅字敬齋號西園廩生有文名嘉慶己巳 恩賜翰
林院檢討壽八十有八燈下猶作細書元六子作尹字湯賓
號東壁道光壬午 恩貢作肅子登科諸生煜字文光廩生
操履嚴謹將貢而卒作肅從弟作卿族弟勗俱諸生勗字勉
齋係耀祖子大振元孫剛方有守授徒終身勗從子志伸志
伸從子鴻儀俱諸生

東京槐字斗天歲貢生善文詞先世華州人始祖良惠仕元
爲商州知州祀名宦九世祖思忠明成化丙戌進士官副使

八世祖郊正德辛未進士浙江道監察御史七世祖冕始自華州徙居澄城縣南五十里韋莊鎮京槐弟京標字本天歲貢生貧而好學篤于友愛事兄如事父京槐子璧昂字震旭康熙丁丑拔貢生慷慨有幹略均平里甲人多德之官城固縣教諭璧昂子序球字文玉附貢生好施予設義學延師以教鄉人之貧不能讀者知縣陳啟宗高其義舉鄉飲大賓序球子濬附貢生四川布政司經歷濬子榮甲字欣木號淶園增貢生嘉慶丙辰

制科孝廉方正官刑部河南司員外郎累遇

覃恩誥授朝議大夫祖父俱

贈如例榮甲少孤事母姚氏色養備至母歿哀毀骨立三年

澄城縣志

卷十四 人物二

四

不見齒服闋補諸生鉛黃不離于手門內無少長多能誦溫公書儀呂氏童蒙訓以其餘贍窮乏金錢粟米周恤博補之用歲率以累萬計性和平樂易不以厲色加人然遇事明達有幹濟官刑部時每決獄必反覆詳審不隨聲畫諾往往賴平反得全活歸田後布衣蔬食率家人以儉素甲戌七月卒壽六十姚侍御堃撰墓志見藝文榮甲弟榮震字省川號篋圃爲濬弟濟嗣濟早沒榮震甫周晬嗣母白撫育之年十五白患疝榮震嘗藥以進弱冠補諸生學使吳海嶠蔭暄許爲雋才旋入都遊太學捐國子監典簿加捐員外郎有會試落第不能歸里者獨給其行資手抄四庫全書辨正通俗文字一冊校正無訛刊板印送與同產兄榮甲友愛甚篤事無大

小不敢專母白壽踰七旬榮震近五十矣猶出告反面依依孺慕白歿墓志倩名手撰書建坊入祠半生攻苦舉業垂老猶試秋闈嘗手書莊敬日強安肆日偷等語粘壁間用以自惕并訓子焉道光壬辰卒年六十榮甲子岱附貢生榮震子觀例貢生議敘縣丞銘諸生岱子會策議敘八品銜

韓則裕字問人資縣知縣淑與孫廩生會昌子康熙癸卯舉人江西永豐縣知縣值歲旱力請減賦因禱雨跪烈日中致疾告歸起補安徽建德縣革積弊勤考課士民咸悅有爭山行五百金者叱卻之自是人不敢干以私後祀永豐名宦祠弟則貞則通子洋澥洪源俱諸生淳灝廩生則通子洋渭洪源子羹杜俱諸生淳灝子椽 恩貢生洋澥孫熾增生椽子

澄城縣志

卷十四

人物二

五

杰乾隆乙未歲貢生麟遊縣訓導杰弟照臨羹杜子守烈杰子惟壩俱諸生照臨子步秀增生洋渭曾孫重行道光壬辰武舉重行弟維清熾孫普清維清子文翰俱諸生

劉文廣劉振國俱奉政里劉家河人康熙丁巳同輸粟賑濟知縣夏疇各扁於門

李良植字舉之康熙戊午舉人八世祖右明勅旌孝子後之兄也右子圻廩生均增生均元孫長世長世子攀桂俱諸生攀桂壽百歲爲良植父良植官沂陽沔縣教諭陞鳳翔府教授講課精勤士多成業著有省愚集家規序子煊熾俱廩生煊諸生煊子向春諸生熾子向榮字灼齋乾隆壬午歲貢向春子培臯增生工書培原培成俱諸生培成子益堅字壯侯

道光辛卯 恩賜副榜圻十一世孫成蹊諸生成蹊子華國
增生華國從子寅子蔭棠俱諸生

張允美字濟廷白其里韋莊鎮康熙丁卯武舉曾祖汝靜祖
養民父操字持甫與定州守備党廷俊同里幹軀豐偉膂力
過人廷俊勸入行伍崇正中官直隸通州參將封右翼將軍
追贈二代允美爲白孝廉三韜莫逆交居鄉退讓息訟解紛
女遭姑虐雉經其翁欲厚葬允美力沮之子六緒統大經增
生緒綸緒聯緒綵緒勲食指數百以雍睦聞緒統子學勤大
經子學貫學勤弟廉武生緒綵子最諸生緒勲子學健增生
學貫子蘭鰲字春塘嘉慶丙子歲貢生八歲入塾年十五以
貧廢讀隨父賈北山動挾書冊暇卽雜誦未冠爲諸生旋食

澄城縣志

卷十四

人物二

去

餽授徒里中成就者三十餘人道光丁亥知縣車漁村礮延
爲鄉飲賓學勤子懷德監生懷德弟居鰲廉子彌強光鰲彌
德大經孫廷鰲緒綵孫占鰲俱武生學健子廷璽懷德子爾
弓字中侯俱諸生最從孫鳳儀廩生彌德孫如礮諸生爾弓
桂芳道光甲辰舉人蕙芳 諸生蘭鰲孫浩增生

寬紫馭字鸞鳴嶺頭村廩貢生安化縣訓導推誠造士捐俸
倡修學宮及名宦鄉賢兩祠所集有聞見錄子際昌考授吏

目

旌節建坊孫集成諸生

呼新之字温臺三泉里郊城村人與閩鄉縣丞應楨同曾祖

父口臚增生兄靈之與鄉飲新之以力田致富畝入每倍他人
人嘗雞鳴乘羸赴典肆聞道旁種豆者且行且語云我是呼
新之新之亟下問故則云人傳翁所種必重獲慕極而禱實
未會識面新之曰若捉羸我爲若種之比苗發惟新之所種
獨蕃人傳爲異康熙辛未饑新之買粟賑濟知縣張承哲扁
於門教諭陳鑑復舉新之爲耆賓弟安之爲從父于庭嗣靈
之子惟嶽新之子惟岡俱諸生惟峰惟巖俱監生安之子惟
嵩字學山號甘泉雍正癸卯舉人惟岡子士元監生士次諸
生鄉飲介賓士季繼惟峰嗣惟巖子士甲諸生士哲監生知
縣婁杰贈以扁士季子九華監生士哲子九門鄉飲耆賓
孫志河字朝宗性孝義事繼母王氏曲得其歡心居祖瞻園
澄城縣志

卷十四

人物二

七

公淨士峰教子弟康熙辛未蝗出粟賑鄉里知縣旌其門
樊滔字九知牙富里西牙村人康熙壬申施粟百餘石戊午
舉人李良植撰碑
党益字友三楊莊村康熙癸酉舉人官內閣中書秉姿奇傑
嗜學博覽爲文奧抉理窟學使葉公常稱之曰党子之文可
與定性書並傳其見重如此有文集五卷

權國士段莊里增生會祖可久萬厯戊戌由吏員選瑞州典
史可久弟可法諸生保安州知州時昌父也伯祖時措諸生
祖時宜監生崇正甲戌任河南中牟縣典史有豪家納賄八
百欲故入人罪時宜重斥之爲豪家誣陷罷官中牟民繪像
祀焉叔祖時英父銓武生竭產賑饑設粥廠于村東西嶽廟

捐田二十畝爲香火資植柏十二株國士善承父志康熙甲戌與兄國相國柱弟國瑀施粟與粥知縣扁於門延國相爲鄉飲賓國瑀子持敬武生乾隆戊辰賑濟知縣李喬給扁國柱孫克仁武生克昌克勤俱監生掩埋遺骸人稱長者克治焚債券六百餘兩捨租百石代鄰人完輸納時英元孫克孝捐田三十畝于縣西郭瘟神廟建軼審二孔施漿克悌克忠克賢以訟累遣湖南遇赦歸同遣趙姓客死克賢攜骸千里不避艱險持敬孫鳳興嘉慶乙丑同弟鳳美施粟克昌子鳳霄武生克仁子鳳采克勤子衡俱諸生克治子鳳飛鳳凝俱監生克悌子鳳翎以母喜靜惡囂移居寺坡清涼院北耕讀娛親不預外事壽八十餘鳳凝子爾熾監生丕煥增生

澄城縣志

卷十四

人物二

六

白三韜康熙壬午舉人世居長閭鎮後移勸母村幼孤家貧傭書養母鄉里以孝稱博學淹雅爲闔邑所推重以母老不圖仕進子濬字甸川雍正己酉拔貢生幼聰穎博極羣書工詩畫爲人端方清介官四川金堂縣知縣先是縣號難治比至任恩威並用豪強斂跡境內肅然陞簡州知州致仕歸室無長物布衣蔬食宴如也去蜀數十年蜀人德之生祠惠碑香火不絕濬子廷梁乾隆癸酉拔貢生張掖縣教諭

李友棠字召亭長閭鎮康熙甲申歲貢生授河州訓導有文名子作舟字若濟亦能文丁酉鄉試考官以第一人薦不售雍正癸酉拔貢生性剛果有膽略遇事侃侃正論人敬憚之銓甯夏府教授亦未仕作舟子大經字伯常乾隆辛未歲貢

生任崇信縣訓導大東字仲木乾隆甲辰歲貢生有祖父風從學者數十人大東子黻雲廩生

靳美玉字友華三泉里永內村康熙乙酉舉人性廉靜訥言慎行家素貧脫粟布衣不以爲恥與知縣崔輔鼎善崔稱爲關中君子嘗有懷金嚙其一語以貸輕繫者其家人令置金于席以動之美玉不動而去人曰此細事無損盛德答曰一事細後必有不細者矣其嚴守如此

張秉直徵信錄曰澄偏邑小陬知德者鮮靳友華之謙德人皆仰之若其和而能介雖讀書之士亦未知深稱也可概也夫

周士奇字步西長閏鎮康熙戊子歲貢生性仁慈撫猶子如

澄城縣志

卷十四 人物二

九

已出能文不售終其身鍵戶讀書怡然自若著有覆瓿卮言一集自娛一二三四集景行一集看鑑管窺一集白孝廉三韜爲之敘游太史得宜跋其後子鵬舉字搏九乾隆庚申歲貢生西鄉縣訓導鵬舉子大觀大猷俱廩生大觀子希全大猷子圖圖子之紀俱諸生希全再從子郊廩生郊孫卜正諸生

張連薦字高宇馮原鎮人性朴誠好善樂施康熙辛卯出麥穀千餘石救荒不計其償里人德之知縣崔輔鼎扁其門曰義民又代輸長甯里貧人社倉糧八十石鄉有誌德碑

姚際會吉安里西趙莊貢生康熙甲午出麥米六百五十餘石濟荒子文載監生乾隆己巳出麥米三百二十餘石孫元

鳳捐州同銜元鶴監生乾隆己亥出麥米二百三十餘石俱有碑

韓林蔚字伯豹西觀里窪底村康熙庚子歲貢生祖九有字式園改字適晦崇正己卯舉人甘肅安定縣教諭鞏昌府教授江西大庾縣知縣受業資縣知縣淑與傳易學淵博淹雅歸田後教家嚴整著有周易闢說百子禔福箴父政修諸生林蔚工詩能文康熙癸未提學某公命作

聖駕西巡賦許爲鉅製擬進呈

御覽會某公以事降調代者至遂中止著有羅山集九有從弟九仞政修弟敬修林蔚弟林炳俱諸生九仞子之衡字平泉順治辛卯歲貢甘肅臨洮州訓導文縣教諭改神木縣教

澄城縣志

卷十四

人物二

三

論林蔚子長世字孝寬爲林炳嗣康熙庚子舉人林蔚以窪底科名少達徙居西觀村甫徙而長世獲雋後官四川永昌縣知縣改興安州學正翌世廩生林蔚從弟楠楠子顯世俱諸生翌世子巳嘉慶乙丑 恩賜翰林院檢討源澈字澂川諸生工繪事山水師李伯時博古人物花卉不事丹青渲染只用水墨寫意遊學涇陽馳譽一時巳子侯選孫鵬翔源澈孫國光俱諸生

韋琬疎財尙義康熙辛丑與弟璞計口賑濟凡六閱月闔村百餘家保全無恙

張洪範陰泉里畱莊村人兄弟五人各分爨其伯兄有子婦愚蠢不孝洪範迎兄同居十有六年衣服飲食必先兄後已

兄卒殯斂周至兒子若罔知洪範亦不罪也幼弟盲而且騃諸兄視之愬然洪範獨與同居然洪範亦以兄弟故拮据勤養遂至貧不能娶以終其身焉族貢生鵬翰爲之作傳鵬翰字扶九附貢生父爾銘諸生鵬翰未冠入庠方正質直教子弟勸宗族必以禮村中少婦處女無敢出閨闈觀劇周貧解爭里無構訟者雍正甲寅知縣朱文灝延爲鄉飲大賓子所蘊監生所來所蘊子正夫諸生授徒終身有德教碑所來子介夫介夫子讓升俱治家有法

張德譽閩東里張家莊人父廩生璠撰卒諸弟俱幼其伯兄憚勞分爨德譽奉繼母撫諸弟勤劬備至家人化之

韓珂字玉若永安里醍醐村監生任松江府場鹽務署松江府上海錄事有才略居官廉潔自矢歷十年乞歸囊無餘資行李蕭然至家未移時卒子貧無以具葬禮縣人憐之

澄城縣志

卷十四

人物二

三

連文玉字溫如白其里北酥酪村人少時有田三十畝後增至七百餘畝慷慨樂施康熙辛丑鄂制軍扁於門子三志正鄉飲賓志靜字仁軒號悅山帥例貢生志正子守經守昇志靜子守約俱監生守紀字子修守綵監生帥子守縉守緒守經子嘉言守昇子嘉士俱監生守約子步登諸生守紀子三重斐字成菴監生性豁達有節概處事有智略得大體四十鰥居不再娶敬師孺輕財貨卒年六十有八朝邑党符六孝廉瑞銘于墓會甯吳平一舍人思權爲之序均古雅可誦重奚重休監生累出粟濟荒將卒遺命子捐修臨高原路六里

行旅便之守綵子步月武生守縉子君錫監生桂林增貢生
守緒子生華生枝嘉言子必元俱武生嘉士子錫璋步登子
彪諸生重斐子毓太榜名太字仲初號雪峰嘉慶辛酉舉人
弱不好弄自甘淡泊青鞵布襪無異寒素軀不逾中人貌古
神恬尤敦友誼同年武威王三益邵陽党紹修都中過夏通
財不少吝道光乙未捐四百餘金刻張蘿谷秉直四書集疏
附正論語緒言共爲一函并搜蘿谷所著全書欲以次付梓
丙申六月卒年五十九蓋屋路太史德作家傳見藝文重奚
子珏道光丁酉歲貢生重休子葆謙字益亭號虛堂例貢生
伸早卒步月子昶道光丙午歲貢生晉增生君錫子溥濟字
施堂監生布政司經歷桂林子江字岷泉監生中書科中書
澄城縣志

卷十四

人物二

三

生華子中元諸生重闡具慶未五十生孫及生曾孫父母猶
存以五世同堂兩逢
旌典生枝子正元監生必元子沖斗道光丙午 恩貢生軫
監生錫璋子珠諸生毓太子宗庠廩生葆謙子點頤繼伸嗣
道光丙午舉人中元子芳道光戊子歲貢生莢增生軫子
竹監生湖南益陽縣縣丞莢子徵諸生

白瑾字子瑜長閩鎮諸生親歿廬墓路廣文畿贈以詩

按張秉直徵信錄曰孝庸行也必割股廬墓嘗糞以著奇
行似不可訓然推其心必皆有大不忍于其親者若乃徵
詩求文以敘哀慕虎豹馴擾以著休祥皆類好名者之所
爲悉從刪薙祛其僞所以存其真也又曰孝行天性也何

擇乎人哉乃士大夫之薦揚若擇而舉之當事者之旌
若擇而畀之遂使閭閻賤民不得上沾

恩典然耳濡目染所習者熟孝子之後每多世德嘗見不孝
之人其子必甚豈真天道好還哉積漸之勢有以使之然
耳爲人父者詒謀可不善耶

任明儒字高軒閩東里西戶莊村人生于康熙壬子家貧力
穡足迹不出閭巷乾隆壬辰壽百有一歲

欽賜老人肉帛與沾殊數甲午七月卒享年百有三歲子篤
字子厚生于康熙辛未事親以孝聞友愛兩弟無間言教子
女俱有法開煤井濟貧嘉慶丁巳卒壽百有七歲篤子四秉
圭諸生早卒妻賈氏

澄城縣志

卷十四

人物二

三

旌節建坊秉璋秉琬秉玉琬玉俱早卒玉妻權氏琬繼妻白
氏均苦節孝翁撫孤成立里中稱篤有家範云

王琬字瑤若前晉府教授寵六世孫曾祖國俊諸生祖子瑜
父肱字君佐琬承數世積德業農而豐於財施粟賑荒口碑
不絕子七嚴諸生賢字德于嗜陰隲感應等文爲貧戶完輸
納焚千金券乾隆丁亥舉鄉飲賓端監生恪附貢生穎監生
徽字琴節增生濟川諸生嚴子利用乾隆壬申武舉利賓諸
生利建監生捐千總銜賢子利仁字智齋諸生利賓子湧江
字頃波監生工書知醫嘗捐百金修李家河坡路利仁子振
江字迴瀾號竹亭嘉慶己卯進士十歲喪父未弱冠冠童子
試旋食餼身肩家政造請者踵相接喧闐旁午客甫出戶卽

把卷呶語喜果健而厭委靡常三復功崇惟志業廣惟勤不作無益害有益句語諸子曰人謂吾偷閒讀書不知吾以讀書爲主以餘事應諸務耳自題書室聯云篋緗豈汗牛半生來寢食其中書田有粟供吾老陳簡非資蠹千遍後受用乃出學海無航任意遊己卯在都時姚子方侍御宴集言及瑯土字座客有疑卽碩字者振江詳舉以對侍御謂人曰此吾鄉眞讀書人也道光丁亥截取牒至戊子四月卒年僅五十三著有槐堂雜稿若干卷朝邑李元春作家傳見藝文九江字洞庭號敷原監生事兄振江如父爲文自出機杼作字端整而速所讀經傳及天文相宅諸書皆手錄成帙課子不爲姑息必口授成誦文必擇其有益性情有關經濟者使讀之

澄城縣志

卷十四

人物二

五

從不與人戲談亦不濫與人交同輩或加謔語輒不答道光乙未卒年五十七湧江子詢岳號東溪增生喜蓄書并晉唐碑精賞鑑早卒振江子六詢虞道光癸卯舉人詢牧詢官寶官俱諸生九江子詢箕廩生詢尹曉繪事詢凱諸生

張秉直字含中號蘿谷閩東里張家莊諸生祖恂襟明增生父在璇廩生幼受業於伯兄在郎勤學好問日夜不輟凡族衆賽神演戲終身未嘗坐視每試輒冠其曹在郎中年目疾失明在璇代理家政事必咨而後行食必共焉一殺一蔬必疊移近前問其所嗜暇則取先正傳文逐篇朗誦共商定其工拙意蓋曲爲迎順惟恐兄以失明爲憾也秉直生於康熙乙亥六歲失怙季父在璣督責甚力比就外傳卽不自菲薄

慨然以儒者爲期於書無所不讀弱冠後屏黜詞章以四書小學爲入德之基精研程朱之學踐履篤實於自宋以來儒先學術靡不推究其得失屹然特立不爲邪說所搖桂林陳文恭公撫陝時欲疏薦於

朝遣知縣李喬式廬秉直上書固辭乃已乾隆辛巳卒於韓城年六十七著有四書集疏四十卷四書集疏附正二十一卷論語緒言二卷治平大略四卷讀書存疑二卷開知錄十四卷徵信錄二卷文談二卷詩文集各一冊所評有學蔣通辨左傳史記唐宋八大家文俱未梓子四南凱字孝思諸生南夏字次公南雅字坤田諸生年逾六十始棄舉子業日鈔父所著書寒暑弗輟或有人事之擾必計日補足稿凡數易

澄城縣志

卷十四

人物二

三

行列修整從無遺誤南金字範若乾隆乙巳歲貢年十八童試前列未終場而父卒服闋始補諸生旋食餼鄉試累薦不售每以父學未傳爲憾後裁訂遺編漸得端緒乃於己酉十月勉爲行述距其父之沒已二十有八年矣越三年卒年未五十南凱子駿發南雅子東發字旭堂南金子遴發字帝臣東發子念曾字甌若遴發子志曾字勉若俱諸生遴發念曾刻文談附傳並行述甫竣而念曾歿遴發又浼其友連雪峰孝廉毓太刻四書集疏附正論語緒言共爲一函方擬舉全書以次付梓而遴發與孝廉相繼卒遂中止道光辛丑知縣磁州張簋詳報以秉直崇祀鄉賢祠餘書今藏志曾家任玉瑄閩東里安里村監生曾祖應昌明諸生祖相斗父三

思字子再世父三畏舉鄉飲賓弟玉琯字仲美玉桓字合璧
監生友愛甚篤事母張氏俱以孝聞玉瑄與党進士偉元爲
莫逆交党計偕入都玉瑄厚贖之党宰江西定南數月卒于
官其弟廩生伯元扶櫬歸葬玉瑄募金助贖伯元以蟒袍一
襲贈曰非以言報君昆季重友輕財子孫當以科名顯畱此
爲左券亦佳話也玉瑄子鳴鸞亦以孝聞鳴鶴字九臯藏書
必手鈔積紙數尺端整如印本鳴鶯訓蒙家塾學規勤密玉
琯子鳴鳳字岐山鳴鸚鳴鶯玉桓子鳴鴈字衡山俱監生同
祖兄弟九人雍睦無間言嗜學重儒延師必慎擇不數年師
輒掇巍科以去從學者童試多冠軍人謂鳴鴈所構書室得
吉地答曰吾豈知形家言哉所知者業精于勤教學相長宿

學不善教者有之未不自益而能益人者也自其高祖應
昌以前明諸生高隱不出數世皆困童試百餘年無學官弟
子至乾隆壬子鳴鴈弟奉乾與鳴鳳子邳隆始同爲諸生奉
乾字連三弟鳴鸚字薦三邳隆字延清號堯天嘉慶丁卯舉
人幼穎異讀書數行俱下事親得歡心父歿與兄善友弟善
同善習式好無尤顏其堂曰友于丁丑大挑署石泉紫陽二
縣訓導借補鳳縣訓導兼主書院講席課士如子尤體恤寒
暖道光壬午單騎赴禮闈仍薦不售鳳縣舊無拔萃士子幾
不知有是科邳隆加意培植力勸數人入試乙酉有與選者
後沿爲例口碑至今不替庚寅卒于官年六十善友字敬齋
捐從九銜鳴鶯子善述長邳隆一歲嘉慶辛酉將援例入秋

閩族患疫卒于試邪鳴鶴子善士善書力耕孝養不慕榮利
父授以朱子小學終身依爲矩矱善士老失明善書事之如
父人不知其爲異母也奉乾子善長監生景伊志伊俱諸生
景伊號南園食餼三十年未貢而卒鳴鴈子仰伊字莘田號
畊莖由廩貢生捐訓導嘉慶丙子舉人年十三喪母方讀戴
記手錄喪禮一冊及爲諸生借學署各經注疏月易一函遇
數解歧異卽備錄書眉幾無隙地或另紙貼于上方鄉舉後
兩上公車聞繼母疾歸侍湯藥衣不解帶者年餘比居喪舍
殮盡禮道光癸未以父年八十不赴部試教子讀儀禮細究
禮節圖舉手可繪又二年遭父喪冬月衰經不釐不裘以覓
椁材葬不時逾禫猶不肉食乙未大挑選城固縣訓導日惟

澄城縣志

卷十四 人物二

七

課子研經暇卽集覽史編非肩輿不出署門壬寅卒于官年
五十九蓋厓路太史德銘于墓朝邑李元春爲之傳俱見藝
文鳴鶴子善行鳴鶚子希伊俱監生邳隆子躋勳諸生仰伊
子葆貞道光庚子舉人葆淳諸生善友子樹楷道光丙午舉
人善行子躋泰捐從九銜鳴鴈族弟運興監生和春學士俱
增生和春字清菴刻苦力學能自得師購四書玉牋數部依
類摘錄字如蠅頭秀整無訛率爲及門持藏未四十卒子文
炳字虎臣十歲時父命讀時文夜輒十餘篇年十四喪父十
三經皆成誦家酷貧值歲饑季父學哲負囊販煤供從師費
恒日不再食讀如常同舍生不知也旣冠爲諸生舌耕餬口
狷介自好遇富室輒齟齬不合族兄景伊贈號曰良齋因自

稱硜硜子事學哲如父學哲卒殮葬如禮不數月卒無子學上字本天筆情恣肆文有光燄嘉慶癸酉主司賞其奧博旋以經策用僻書見斥子文鼎諸生以父喪哀毀卒運興字德五年未冠出粟濟荒村人頌義立碑其文則白虛舟有涵所撰也子省蘭諸生邳隆族兄紹章字子封增生與邳隆同歲事孀母葉氏終其身不遠離三畏元孫和邦字遵六諸生工書法謀徒過嚴後生憚之

游得宜字聖衢號虹原祖籍同州父遷長閭鎮感異夢生得宜未冠應童試歸原籍雍正甲辰解元四川鄉試同考官同州升府隸附郭大荔縣乾隆丙辰進士翰林院庶吉士山東茌平縣知縣歷安徽祁門宣城卒于官無子著述俱散軼

澄城縣志

卷十四

人物二

六

党偉元字頤庭隴頭村雍正己酉舉人咸安宮教習乾隆丙辰進士少有文譽官江西定南縣知縣數月卒於任張秉直撰墓志見藝文弟伯元廩生

白如玉字崑山壯頭村雍正壬子舉人幼聰慧過目成誦行文立就數千言任四川達州同知署理塘糧務府事無苛政時有父母難忘之歌弟如狂子元馨俱諸生

崔大壯白其里南白村人生于康熙己卯未周歲父謙光歿母党氏年甫二十苦節食貧奉姑育子大壯上事重闈人稱純孝母卒于乾隆丙子壽七十六嘉慶癸酉學憲陸以母節子孝建坊樹碑

張愈強里村人生于康熙甲申享壽九十六歲

白滋字玉樹州知州濬弟善篆分各書雍正乙卯有聞
詔七古悽惋可誦卒于乾隆乙丑里中傳爲積廩充貢戴志
選舉不載檔冊亦軼其名季弟淳諸生滋子廷植廩生孫炳
耀俱增生焯字輝菴與弟煉雍睦無間乾隆甲寅饑焯謂煉
曰我食指繁弟惟夫婦二人盍暫析箸使各知自食其力或
可保生否則都成餓莩或流爲敗類辱門第矣煉泣而從之
歲豐復同爨後煉沒焯視煉子益篤議婚就傅恩勤備至焯
壽逾九十無疾而卒炳子無瑕諸生焯子其陞業醫

韓瑤字世珍永安里醜醐村諸生施麥百餘石賑濟撫軍陳
文恭公給扁教諭余霽延爲鄉飲介賓弟舉耆賓琬監生
璠子賢士修士雅士監生賢士子有良修士子有守監生有

澄城縣志

卷十四

人物二

五

良子錫侯字龍章武生與弟繼業展業友愛甚篤里黨化之
善排難解紛數十年無爭訟者或以試事送門人至郡肆人
疑爲廩保不知其爲武生也有守子錫章繼業子步雲步漢
俱諸生

連溥濟候銓布政司經歷籤掣四川捐銀二千四百兩發商
息以備盍邑試卷